

15/29-сонли ШАРТНОМА

Товарни етказиб бериш, ўрнатиш, монтаж қилиш
ва ишга тушириш бўйича

Тошкент шаҳри

2022 йил «29» ноябрь

Харид комиссиясининг қарорига мувофиқ, Ўзбекистон Республикаси Халқ таълими вазирлиги номидан вазир ўринбосари Т.К.Комилов кейинги ўринларда **“Буюртмачи”** деб юритилади бир томондан ва **“SUN-HIGHTECH”** масъулияти чекланган жамиятининг, кейинги ўринларда **“Ижрочи”** деб юритилади, ўзининг Устави асосида фаолият юритувчи директор Э.Т.Абдуллаев иккинчи томондан, шунингдек, шартномада **“Томон”** сифатида алоҳида ва биргаликда **“Томонлар”** деб юритилади, ушбу шартномани қуйида келтирилганлар бўйича туздилар:

I. ШАРТНОМА МАВЗУСИ

1.1. Ижрочи Буюртмачига юридик манзили жойлашган: Тошкент шаҳар, Шайхонтахур тумани, Навоий кўчаси, 2а-уйда 145 кВт қувватга эга фотоэлектр (куёш нуридан электр қуввати ишлаб чиқарувчи) станциясини етказиб бериш, ўрнатиш, монтаж қилиш ва ишга тушириш (кейинги ўринларда Товар деб аталади) мажбуриятини ўз зиммасига олади. Бундан ташқари **Ижрочи Буюртмачига Товардан** тўғри ва хавфсиз фойдаланиш бўйича фойдаланувчиларни дастлабки билимлар бериш, тегишли ҳужжатларни расмийлаштириш (шу жумладан, ўрнатиш ва ишга тушириш ҳамда қабул қилиш далолатномалари) ишларни амалга ошириш мажбуриятини олади.

Мазкур шартнома Ўзбекистон Республикаси Халқ Таълими вазирлиги томонидан **Товарни** харид қилиш бўйича 2022 йил 17 ноябрдаги 22110012177889-сонли энг яхши оферта лотини танлаш бўйича харид қилиш комиссиясининг баённомаси асосида тузилди.

1.2. Ижрочи ушбу Шартномани тузиш вақтида **Томонлар** томонидан келишилган ва имзоланган (Шартноманинг ажралмас қисми бўлган 1-илова) мувофиқ **Товарни** ишлаб чиқариш мажбуриятини олади. **Буюртмачи** томонидан Техник топшириқларга ҳар қандай ўзгартиришлар киритилган тақдирда, ушбу ўзгаришлар ушбу шартномага ёзма қўшимча келишув асосида **Ижрочи** билан келишилганидан кейин якуний ўзгартирилган деб ҳисобланади.

II. ТОВАРНИНГ НАРХИ ВА ТЎЛОВ ТАРТИБИ

2.1. Мазкур шартнома бўйича шартноманинг 1.1. бандидаги **Товар (ишлар)**нинг умумий қиймати қўшилган қиймат солиғи (ҚҚС) билан бирга **1 446 800 000** (Бир миллиард тўрт юз қирик олти миллион саккиз юз минг) **сўмни** ташкил этади.

2.2. Ушбу шартнома бўйича тўлов **Буюртмачи** томонидан **Ижрочи** ҳисоб рақамига пул маблағларини қуйидаги тартибда ўтказиш йўли билан амалга оширилади:

2.2.1. Томонлар ушбу шартномани имзолаган ва Молия вазирлиги Ғазначилигида рўйхатга олинган кундан бошлаб, 5 (беш) иш куни ичида шартноманинг 2.1. бандидаги **Товар (ишлар)**нинг умумий қийматининг 15 (ўн беш) фоизи миқдорида аванс тўлов сифатида олдиндан тўлов;

2.2.2. Товарни ўрнатиш, монтаж қилиш ва ишга тушириш бўйича ишлар амалга оширилгандан сўнг ва ушбу ишлар қабул қилиб олинган кундан бошлаб **Товар** қийматининг 85 фоизини Буюртмачи 15 (ўн беш) иш кунида ичида амалга оширади.

III. ТОВАРНИ ИШЛАБ ЧИҚАРИШ, ЕТКАЗИБ БЕРИШ, ЎРНАТИШ, МОНТАЖ ҚИЛИШ ВА ИШГА ТУШИРИШ ШАРТЛАРИ

3.1. Ушбу шартнома бўйича **Ижрочи** томонидан **Буюртмачига Товарни** ўрнатиш, монтаж қилиш ва ишга тушириш шартларининг бажарилиши тўлов амалга оширилган пайтдан бошлаб 30 (ўттиз) иш кун этиб белгиланади. Шунда **Ижрочи** томонидан ишлар бажарилаётганда,

об-ҳаво бузилиши ҳолатлари мавжуд бўлса (яъни, ёмғир ва қор ёқса, момакалдиروق ва туман мавжуд бўлганида, кучли шамол эсганда), унда меҳнатни муҳофаза қилиш тўғрисидаги меъёрий ҳужжатларга мувофиқ ишлар вақтинчалик тўхталади.

3.2. Ижрочи Товари Буюртмачига муддатидан аввал етказиб бериш ҳуқуқига эга.

3.3. Ижрочи ушбу шартнома бўйича ўз шартнома мажбуриятларини **Буюртмачи 5** (беш) банк куни ичида **Ижрочининг** ҳисоб рақамига олдиндан тўлов қилинган кундан бошлаб бажаришга киришади.

IV. ШАРТНОМА БЎЙИЧА ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ

4.1. Ушбу шартнома бўйича **Томонлар** қуйидаги ҳуқуқларга эга:

- ушбу тузилган шартномани тузиш ва бекор қилиш муносабати билан зарур бўлган маълумотномалар ва бошқа ҳужжатларни сўраш ва олиш;

- ҳуқуқ ва қонуний манфаатларини ҳимоя қилишни таъминлаш учун амалдаги қонун ҳужжатларида назарда тутилган воситалар ва усулларни қўллаш.

4.2. Ушбу шартнома бўйича **Томонлар** қуйидагиларга мажбурдирлар:

- Ўзбекистон Республикасининг амалдаги қонунчилиги талабларига риоя қилиш;

- тузилган ушбу шартнома талабларига мувофиқ ўз зиммасига олган мажбуриятларини ўз вақтида ва тегишли тартибда бажариш.

4.3. Буюртмачи қуйидагиларга мажбур:

- ушбу шартнома талабларига мувофиқ етказиб берилган **Товар** учун ўз вақтида дастлабки ва якуний тўловни амалга ошириш;

- **Товарни** ўрнатиш ва ишга тушириш тугалланганлиги тўғрисида билдиришнома олгандан сўнг, уч кун ичида **Товарни** ўрнатиш бўйича иш ҳажмини кўриб чиқиш ва қабул қилиш ва нуқсонлар аниқланган тақдирда, бу ҳақда **Ижрочига** расмий ёзма равишда маълум қилиш.

4.4. Ижрочи қуйидагиларга мажбур:

- ушбу шартноманинг 1.1. бандида кўрсатилган **Товарни** белгиланган муддатларда миқдор ва сифат талаблари бўйича етказиб бериш;

- **Буюртмачи** вакили иштирокида ушбу шартнома бўйича **Товарни** ишга туширишни амалга ошириш ва **Товарни** ўрнатиш бўйича ишларни бажаришда **Буюртмачининг** ёзма амалдаги қонунчилик ҳужжатлари талабларига биноан тавсияларига риоя қилиш;

- техник топшириқлардан четга чиқишларни **Буюртмачи** билан расмий ёзма равишда келишиш;

- ушбу шартномада белгиланган муддатларда **Товарни** ўрнатиш, монтаж қилиш ва ишга тушириш ишларини бажариб **Буюртмачига** топшириш. Мазкур шартноманинг 3.1. бандида кўрсатиб ўтилган оби-ҳаво билан боғлиқ ҳолатлар мавжуд бўлганда ушбу шартномани муддатлари, амалдаги қонунчилик ҳужжатларига асосан, ўзайтирилиши мумкин;

- ушбу шартномада кўрсатилган **Товарни** ўрнатиш ва ишга тушириш бўйича техник топшириқ ва иш ҳажмини **Буюртмачининг** розилигисиз учинчи шахсларга бермаслик.

V. ТОВАР СИФАТИ ВА КАФОЛАТИ

5.1. Ижрочи етказиб, ўрнатиб, монтаж қилиб ва ўрнатилиб берилаётган **Товарларнинг** харид ҳужжатларида белгиланган техник стандарт ва шартларга мос келишини кафолатлайди.

5.2. Ижрочи лот бўйича топширилаётган **Товар** номи ва миқдори кўрсатилган сертификат ва (ёки) амалдаги қонунчилик талабларига биноан уларни ўрнини босадиган тегишли ҳужжатларни тақдим этиши шарт.

5.3. Ижрочи томонидан **Товар** учун белгиланган кафолат муддати **Товар** етказиб берилганлиги ва мазкур шартномани талабларига биноан барча ишлар бажарилганлиги ҳақидаги далолатнома тузилгандан бошлаб ҳисобланади, бироқ бу муддат 36 (ўттиз олти) ойдан кам бўлмаслиги лозим. Шу билан бирга, ўрнатилган **Товар** (шу жумладан ускуналар, материаллар) учун **Ижрочи Буюртмачига** етказиб берувчининг асл муҳри (мувофиқлик сертификати, сифат сертификати, ишлаб чиқарувчининг паспорти ва ёки амалдаги қонунчилик талабларига биноан

уларни ўрнини босадиган тегишли ҳужжатларни) билан тасдиқланган сифат ҳужжатининг нуسخасини тақдим этишга мажбурдир.

5.4. Кафолат хизмати **Ижрочи** мутахассисининг **Товарнинг** ўрнатилган (етказиб берилган) жойида алмаштириш ёки таъмирлаш йўли билан амалга оширилиши керак, шунда **Буюртмачи Товарни** амалдаги қонунчилик ҳужжатларига биноан эксплуатация қилиш мажбуриятини олади. Етказиб берилган **Товарнинг** кафолат муддати давомида нуқсони ёки носозлиги келиб чиққанда (**Буюртмачи Товарни** амалдаги қонунчилик ҳужжатларига биноан эксплуатация қилмаслик бундан мустасно), **Ижрочи** 15 (ўн беш) кундан ортиқ бўлмаган муддатда уни алмаштириш ёки таъмирлаш мажбуриятини олади.

Ижрочи кафолат муддати давомида **Товарларни** алмаштириш ёки таъмирлаш мажбуриятини бажармаса, **Товар** учун ушбу шартномада белгиланган миқдорда (**Товарни** етказиб бериш ўрнатиш, ишга тушириш) тенг зарар пулини қоплаб беради.

Буюртмачи ўз вақтида **Товар** ишлаши бўйича нуқсонлари тўғрисида **Ижрочига** расмий ёзма равишда маълум қилмаса, **Ижрочи** **Товар** учун ушбу шартномада белгиланган миқдорда (**Товарни** етказиб бериш ўрнатиш, ишга тушириш) тенг зарар пулини қоплаб бермайди.

5.5. Ижрочи ушбу шартномада назарда тутилган кафолат мажбурияти **Буюртмачи** томонидан **Товарни** нотўғри ишлатиш натижасида келиб чиқадиган нуқсонларга нисбатан қўлланилмайди.

VI. ТОВАРНИ ТОПШИРИШ ВА ҚАБУЛ ҚИЛИШ ТАРТИБИ

6.1. Товарни қабул қилиш – **Буюртмачининг** ваколатли вакили ҳамда **Ижрочи** вакиллари иштирокида тузилган далолатномага мувофиқ, шартномада **Товарга** қўйилган талаблар доирасида амалга оширилади.

6.2. Товарни қабул қилиб олиш натижалари бўйича **Товарларни** қабул қилиш далолатномаси расмийлаштирилади. Етказиб берилган **Товарларнинг** ушбу шартнома шартларига мувофиқ эмаслиги аниқланган тақдирда, камчиликларни бартараф этиш тўғрисидаги далолатнома расмийлаштирилади ҳамда дарҳол **Ижрочига** тақдим этилади.

Ижрочининг айби билан етказиб бериш вақтида **Товарнинг** бузилиши учун **Ижрочи** жавобгар бўлади. Бузилган **Товарлар** етказиб берувчининг ўрнига янги маҳсулотни тақдим этиши орқали ўз ҳисобидан қопланади.

6.3. Ижрочи аниқланган камчиликларни далолатномани олган кундан бошлаб 10 (ўн) кун ичида ўз маблағлари ҳисобидан бартараф этишга мажбурдир. **Товарларни** қабул қилиб олиш муддати қабул қилиб олиш тўғрисидаги ёки камчиликлар бартараф этилганлиги тўғрисидаги далолатномага асосан юборилган ҳисоб-фактуралари асосида аниқланади.

VII. ДАЪВОЛАРНИ ТАҚДИМ ЭТИШ ВА КЎРИБ ЧИҚИШ ТАРТИБИ

7.1. Ушбу шартнома бўйича ҳуқуқлари ва қонуний манфаатлари бузилган **Томон** бошқа **Томонга** қонун ҳужжатларида белгиланган тартибда ва муддатларда даъволар қўйиш ҳуқуқига эга.

7.2. Ушбу шартнома бўйича даъво аризаси берилган **Томон** даъво олинган кундан бошлаб 10 (ўн) кун ичида ушбу даъвога ёзма жавоб беришга мажбурдир.

7.3. Белгиланган муддатларда даъво аризаси рад этилган (қисман рад этилган) ёки жавоб ололмаган **Томон**, тегишли суд қарорини олиш учун Тошкент туманлараро иктисодий судига даъво аризаси билан мурожаат қилиши мумкин.

VIII. ШАРТНОМА БЎЙИЧА МАЖБУРИЯТЛАРИНИ БУЗГАНЛИК УЧУН ЖАВОБГАРЛИК

8.1. Ижрочи **Товарларни** етказиб беришни кечиктирса ёки умуман етказиб бермаса, ҳар бир кечиктирилган кун учун мажбуриятнинг бажарилмаган қисми миқдорининг 0,5 % (фоизи) миқдорида пеня тўлайди, бироқ пенянинг умумий миқдори мажбуриятларнинг бажарилмаган қисмининг 50 % (фоизи) дан ошмаслиги керак. Пеня тўловларини тўлаш шартномавий мажбуриятларни бажаришдан озод қилмайди.

8.2. Агар етказиб берилган **Товар** стандартларга, техник шартларга, қонунчиликда ёки ушбу шартномада ўрнатилган бошқа мажбурий шартларга жавоб бермаса, **Буюртмачи Товари** қабул қилишни ва ҳақини тўлашни рад қилишга ҳақли, бундай ҳолатда **Ижрочи Буюртмачига** рад этилган **Товарлар** қийматининг 20% миқдорида жарима тўлайди ва **Товари** техник шартларга жавоб берадиган **Товарга** алмаштириши керак.

8.3. Буюртмачи етказиб берилган **Товарлар** учун (расмийлаштирилган ҳисоб-фактуралари, **Товарларни** қабул қилиш далолатномалари ва (мутахассис) лаборатория ҳулосаларига асосан) тўловни ўз вақтида амалга оширмаса, **Ижрочи** кечиктирилган тўловнинг ҳар бир куни учун кечиктирилган тўлов суммасининг 0,4 % миқдорида пеня тўлайди, лекин пеня миқдори кечиктирилган тўлов суммасининг 50 % дан кўп бўлмаслиги лозим.

8.4. Етказиб берилган **Товар** учун тўловлар бюджетдан маблағлар ўз вақтида ажратилмаганлиги ёки **Буюртмачига** тегишли бўлмаган бошқа сабабларга кўра ўз вақтида тўланмаслиги учун **Буюртмачи** жавобгар бўлмайди.

8.5. Ушбу шартнома ёки у билан боғлиқ ҳолда юзага келиши мумкин бўлган барча низолар ва келишмовчиликлар томонлар ўртасида музокаралар йўли билан ҳал этилади.

8.6. Агар томонлар ўзаро келишувга келишмаса, шартнома бўйича келиб чиқадиган барча низолар Тошкент туманлараро иктисодий судида кўриб чиқилишига келишдилар.

IX. ФОРС-МАЖОР ҲОЛАТЛАРИ

9.1. Томонлар шартнома бўйича мажбуриятларни бажармаганликлари учун, агар уларни бажаришнинг иложсизлиги шартнома бўйича мажбуриятларнинг бажарилишига бевосита таъсир қилувчи табиий офатлар ёки ҳарбий ҳаракатлар, шунингдек, давлат органлари томонидан ушбу шартнома шартларини бажаришга тўсқинлик қилувчи қонун ҳужжатларини қабул қилиш ва (ёки) ўзгартириш каби форс-мажор ҳолатлари натижасида юз берган бўлса, жавобгар бўлмайдилар.

X. КОРРУПЦИЯГА ҚАРШИ ШАРТЛАР

10.1. Мазкур шартнома бўйича ўз мажбуриятларини бажаришда **Томонлар**, уларнинг ходимлари ёки воситачилари ҳар қандай шахсга тўғридан-тўғри ёки билвосита пул ёки қимматбаҳо нарсаларни тўламайди, тўлашни таклиф қилмайди ёки тўлашга руҳсат бермайди. Ҳар қандай шахсларнинг қарорлари ўзгартиришлари учун ёки номақбул устунликка эришиш ёки бошқа номувофиқ мақсадларга эришишга йўл қўймайди.

10.2. Томонлар, уларнинг ходимлари ёки воситачилари ушбу шартнома бўйича ўз мажбуриятларини бажараётганда амалдаги қонунчиликда пора бериш(олиш), шунингдек амалдаги қонун ҳужжатларини ёки коррупцияга қарши халқаро актлар талабларини бузувчи бошқа ҳаракатларни амалга оширмайдилар.

10.3. Агар томонлардан бири ушбу банднинг ҳар қандай қоидаларининг бузилиши содир бўлган ёки содир бўлиши мумкин деб гумон қилса, тегишли томон бошқа томонни ёзма равишда хабардор қилиш мажбуриятини олади. Ёзма билдиришномада томон бошқа томон, унинг ходимлари ёки воситачилари томонидан ушбу банднинг ҳар қандай қоидалари бузилиши содир бўлган ёки содир бўлиши мумкин бўлганлигини ишончли тасдиқловчи ёки ишонтириш учун асос бўладиган фактларга ҳавола қилиши ёки материалларни тақдим қилиши керак.

10.4. Агар **Томонлардан** бири ушбу банд қоидаларини бузса, бошқа **Томон** шартномани бир томонлама бекор қилиш тўғрисида ёзма билдиришнома юбориш орқали шартномани суддан ташқари бир томонлама тартибда бекор қилишга ҳақли.

XI. ЯКУНИЙ ШАРТЛАР

11.1. Ушбу шартномага киритилган ҳар қандай ўзгартириш ва қўшимчалар, агар улар ёзма равишда тузилган ва томонларнинг ваколатли вакиллари томонидан имзоланган бўлса, ҳақиқий ҳисобланади.

11.2. Томонларнинг ҳеч бири бошқа **Томоннинг** ёзма розилигисиз шартнома бўйича ўз ҳуқуқларини учинчи томонга ўтказишга ҳақли эмас.

11.3. Ушбу шартнома икки нусхада тузилди. Иккала нусха ҳам бир хил ва бир хил юридик кучга эга. **Томонларнинг** ҳар бири ушбу Шартноманинг битта нусхасига эга.

11.4. Ушбу шартномада назарда тутилмаган барча масалаларда томонлар Ўзбекистон Республикасининг амалдаги қонунчилигига амал қиладилар.

11.5. Ушбу шартнома имзоланган ва Ўзбекистон Республикаси Молия вазирлиги Фазначилиги томонидан рўйхатга олинган кундан бошлаб кучга киради ва томонлар ушбу шартнома бўйича ўз мажбуриятларини бажаргунга қадар, 2022 йил 31 декабрдан кечиктирмасдан амал қилади.

Шартноманинг амал қилиш муддати қушимча келишув асосида узайтирилиши мумкин.

XI. МАНЗИЛЛАР ВА БАНК РЕКВИЗИТЛАРИ

«БУЮРТМАЧИ»

Ўзбекистон Республикаси Халқ таълим вазирлиги



Вазир
ўринбосари

Т.К.Комилов

«ИЖРОЧИ»

«SUN-NIGHTECH» МЧЖ

Манзил: Тошкент ш., Юнусобод тумани, Боғишамол кўчаси 160 уй, Юнусобод кичик саноат зонаси.

Тел: (94) 777-78-88

х /р: 202 8000 2052 0055 3001

«ЎЗСАНОАТКУРИЛИШБАНК» АТБ БОШ ОФИСИ, ММТ: 00440

СТИР 307 258 109, ИФУТ 27900



Бош директор

Э.Т.Абдуллаев

10/10/2022 (импринт)

2022 йил 29 ноябр кунги 15/29-сонли шартномага 1-илова

Шартнома нархини тасдиқлаш баённомаси

Бундан кейин «Буюртмачи» деб аталувчи, Низом асосида иш юритувчи Ўзбекистон Республикаси Халқ Таълим вазирлиги номидан вазир ўринбосари Т.К.Камилов ва бундан кейин «Ижрочи» деб аталувчи, Устав асосида иш юритувчи «SUN-HIGHTECH» масъулияти чекланган жамияти (МЧЖ) номидан директор Э.Т.Абдуллаев бошқа томон, Шартноманинг умумий нархи ҚҚС ни ҳисобга олган ҳолда **1 446 800 000** (Бир миллиард тўрт юз қирқ олти миллион саккиз юз минг) сўмни ташкил этиши ва қуйидагиларни ўз ичига олиши тўғрисида келишиб олдилар:

Т/р	Махсулот номи	Ўлчов бирлиги	Микдори	Нархи (сўм)	Етказиб бериш нархи (сўм)	ҚҚС		ҚҚС билан нархи (сўм)
						Фо-из	Микдори (сўм)	
	1	2	3	4	5	6	7	8
1	145кВт қувватдаги тармоқ қуёш электр станцияси. Таркиби: Қуёш панелининг умумий қуввати 145 000Вт, Инверторнинг умумий қуввати 145кВт, Қуёш панелларини ўрнатиш учун металлқонструкция, кабель, шит ва бошқалар.	дона	1	1 258 086 956,52	1 258 086 956,52	15%	188 713 043,48	1 446 800 000,00
	ЖАМИ							1 446 800 000,00

Шартнома нархига юқорида кўрсатилган ускунанинг нархи, етказиб бериш, шунингдек, ускунани ўрнатиш ва ишга тушириш харажатлари киради.

«БУЮРТМАЧИ»

Ўзбекистон Республикаси
Халқ Таълими вазирлиги



Вазир
ўринбосари

Т.К.Камилов

«ИЖРОЧИ»

«SUN-HIGHTECH» МЧЖ



Бош директор

Э.Т.Абдуллаев